

As-Sakt - Kipumziko

السَّكْتُ As-Sakt - Kipumziko

Ni kipumziko (kunyamaza) katika kusoma neno la Qur-aan kadiri ya harakah mbili bila ya kushush pumzi kwa nia ya kuendelea katika kusoma. Sababu ya kupumzika: kwa ujumla ni kwa ajili ya kuepusha utatanishi wa maana; kama hutolimama huenda ikafahamika maana isiyokusudiwa.

Alama yake ni herufi ya س

Katika riwaayah ya Hafsw 'an 'Aaswim, sehemu nne ni واجب waajib (imewajibika) na mbili ni جائز jaaiz (inaruhusika). Zilizokuwa واجب (waajib) ni:

الْحَمْدُ لِلَّهِ الَّذِي أَنْزَلَ عَلَى عَبْدِهِ الْكِتَابَ وَلَمْ يَجْعَلْ لَهُ عِوَجًا ۖ قَيِّمًا لِّيُنذِرَ بَأْسًا شَدِيدًا¹

قَالُوا يَنْوِيلُنَا مَنْ بَعَثَنَا مِنْ مَرْقَدِنَا ۚ هَذَا مَا وَعَدَ الرَّحْمَنُ وَصَدَقَ الْمُرْسَلُونَ²

وَقِيلَ مَنْ رَاقٍ³

Bonyeza usikilize

كَلَّا بَلْ رَانَ عَلَى قُلُوبِهِمْ مَا كَانُوا يَكْسِبُونَ⁴

Bonyeza usikilize

¹Al-Kahf (18: 1-2)

²Yaasiyn (36 : 52)

³Al-Qiyaamah (75 : 27)

⁴Al-Mutwaffifiyn (83 : 14)

Zilizokuwa جَائِز (jaaiz) ni:

مَا أَغْنَىٰ عَنِّي مَالِيَّةٌ ۖ هَلَكَ عَنِّي سُلْطَانِيَّةٌ ۖ ۝٥

إِنَّ اللَّهَ بِكُلِّ شَيْءٍ عَلِيمٌ ۖ ۝٦ بَرَاءَةٌ مِّنَ اللَّهِ وَرَسُولِهِ إِلَى الَّذِينَ عَاهَدْتُم مِّنَ الْمُشْرِكِينَ ۖ ۝٧

Katika hali ya kuunganisha Suwrah Al-Anfaal na Suwrah At-Tawbah msomaji atatakiwa apumzike hapo kipumziko kadiri ya harakah mbili bila ya kushusha pumzi. Pamoja na hivyo, hapa panajuzu au panafaa kusomwa kwa njia tatu tofauti; الْقَطْعُ (Al-Qatw'u), السَّكْتُ (As-Sakt) na الْوَصْلُ (Al-Wasw1) kwa maana:

1. الْقَطْعُ (Al-Qatw'u): Ni kusoma kwa kusimama mwishoni mwa Aayah kwa kuleta 'aaridhw as-sukuwn katika 'Aliyyyyym. Kisha kuanza Aayah inayofuatia:

Innaa Allaaha bikulli shay-in 'Aliyyyyym. Baraatum-mina-Allaahi... ..

2. السَّكْتُ (As-Sakt): Kupumzika katika mwisho wa Aayah kwa kadiri ya haraka mbili bila ya kushusha pumzi kisha kuendeleza Aayah inayofuatia:

Innaa Allaaha bikulli shay-in 'Aliym السَّكْتُ Baraatum-mina-Allaahi... ..

⁵Al-Haaqqah (69: 28-29)

⁶ Al-Anfaal (8: 75)

⁷ At-Tawbah (9: 1)

3. الوصل (Al-Waswl): Kuunganisha Aayah ya kwanza na ya pili yake bila ya kusimama na kutekeleza hukmu ya Tajwiyd inayopasa mwishoni mwa Aayah ya mwanzo na kinachofuatia cha Aayah ya pili; yaani

*Innaa Allaaha bikulli shay-in 'Aliymum-baraatum-mina-
Allaahi... ..*